

之類東西糾結小則劫奪人大則殺越人此不嚴法而重繩則繼此流丐之戕害平民將不勝支當弱肉強食云云誠非過慮依前訊推在所不已乃是隱道啓既置惟輕有難遙度一番更查亦合審克之義第於已發配外諸干連中拈出疑端親執詳查指一決處事分付

本道查啓終無證質之的確反致疑眩之滋甚刑曹回啓更無商量宜加訊推

判看證既不緊著斷定終涉懸空而雖欲移換又歸懸空第令依前同推

全羅道任實縣鄭明采獄

足踢成成為翌日致死實因被踢○本道

啓乞草攫取固是戲劇之事舉足撞著豈有傷害之意刑曹回啓原其情固非欲殺揆諸法實難傳生

判同耦元無宿怨起鬧不過微物追而踢之直是戲耳撞著致命亦未必不由於自來癘病戲殺皆不償命則此獄亦不無一分可原之端而莫嚴者三尺也殺人者死奚論有心無心况數次足踢之說鋤伴諸招證左具備且生前之給藥物死後之辦襄需卽渠斷案到今承款之後不宜原情而屈法乎是如明采身乙姑爲停刑卽令道伯具格捧結案以聞爲有農時逮繫可悶只元犯能捉致舉行事分付

本道啓結案取招刑  
曹回啓詳覆施行

判三尺至嚴法不可以參情而此獄段因戲也因病也  
 也因邂逅也戲殺不償病故勿問邂逅給埋葬銀此亦  
 亦金石之典也鄭明采之於成成爲素有同閨之好毫  
 毫無欲害之心良 忿 除觀其手勢參以事理明采之死  
 於此獄誠冤矣然而自初輸款願即從死良心之不泯亦  
 足可見特以重獄體之意更令具格捧結案而渠又隨問  
 即服一直不變死囚之似此愚直曾所罕見原情之外法  
 固可宥若戲若病若邂逅三罪良 中從重論明采身乙  
 即爲勘放事分付道臣